

11 Raonhha ne ne yaghdetharighwayery, eghkinyughdonhhak yaghdetharighwayerik: neony raonhha ne ne yaghdeshoyanere, eghkinyughdonhhak yaghdeshoyanerek: neony raonhha ne ne roderighwakwarighsyonh, eghkinyughdonhhak roderighwakwarighsyonhhak: neony raonhha ne ne royadadokenghdy, royadadokenghdy ky kenh-hak.

12 Neony, jatkagthoh, onghwajok Tentke; neony enyake-nikwekonhhatye ne enkheyeritshe, ne ne enghheyon ji-niyadeyorkwedakeh entyuyaneuhhawe ne ji-nihhoyudenghserodenh eghnen-yawen.

13 Iih naah ne tyntyrenghdonh nokhony ne nyekakonde ne oghnaken, ne jityudaghsawe neony ne jityeyutde, ne tyntyrenghdonh neony ne yekakonde.

14 Yakodaghsrats ne ne eghnen-yeyere ne ji-niwennyh raoghtyawenraghtsera, ne ne onghdony aadiyendane ne yaadiyeride ne jikerhide ne yonnheonweh, ne naoutyesen aondaweyade daondohhetste ne jiyudenhenghrakaronde ne kanadakonh.

15 Ikenh yaghwahhy dekontiyadare ne errhar, neony ne rondcfaghsotza, neony kanaghkwa radirighwanerax, neony yakodenryuh, neony ne kayadonnyh, konwarighwanekenny, neony onghkakiok ne en-ye-noronghkwe neony en-yondennowerghe.

16 Iih Yesus yekhe-nhaonh nakeronghyakeghro-non ne ne ayetshirihhowanaghden ne iskehe ne ken-ikenh karighwaokon etho o-nonghsadokenghditserakonh. Iih naah noghdera nokhony ne kaghwajiradatye ne Dawed, neony ne deyuderonwinckenhhonh ne orhonke-neh ojistoghk.

17 Neony ne Kanikonra neony ne asc yunyakon wadon, Karo, kinyoh raonhha ne ne rothonde radon, Karo, Neony kinyoh raonhha ne ne ro-nyadathenghse Karo. Neony onghkakiok ranonwese, kinyoh raonhha deraghk ne oghnekanoghs ne yonnheonweh watyesenhhah.